

SCRIPTA

Numéro Scripta : 9019

Auteur(s) : Achard, Avranches (évêque)

Bénéficiaire(s) : Savigny-le-Vieux, Sainte-Trinité de Savigny (abbaye)

Genre d'acte : charte

Authenticité : non suspect

Datation : [1161-1162]

Action juridique : confirmation

Langue du texte : latin

Analyse

Achard, évêque d'Avranches, confirme l'accord intervenu entre Savigny et Payen de Saint-Brice à propos des biens du prieuré de Virey.

Tableau de la tradition

Original

A. Paris, Arch. Nat., L 978, n. 1355.

Éditions principales

a. POULLE, Béatrice, *Le chartrier de Savigny : Liber cartarum, capitula cartarum in episcopatu abrinensis*, édition inédite, p. 29-30.

Dissertation critique

Transcription : Claude Groud-Cordray (*Cartulaire de l'abbaye de Savigny ou Liber cartarum domus Savignei*, « episcopatu Abrincensi », n° XVII)

Achard évêque d'Avranches (1161-1171) ; Guillaume abbé de Savigny (1161-1163) ; cet acte est mentionné dans la charte de Raoul de Fougères et la confirmation d'Henri II Plantagenêt, datées de 1162.

Texte d'après A

Ad pacis custodiam sine scissura discordie per secula servandam, commutationis conventionem inter conventum Savignei et Paganum de Sancto Bricio uxoremque ejus et filios habitam ego Achardus Abrincensis episcopus ratam fore decerno et, ut inconcussa in perpetuum permaneat, presentis scripture documento et sigilli nostri impressione communio. Noverint ego universi matris et ecclesie filii conventum Savignei et predictum Paganum concorditer constituisse quatinus omnia que monachis Savignei sive in ecclesiis sive in prediis collata fuerunt ad opus monachorum apud Vireium commorantium deinceps in perpetuum a monasterio Savignei possiderentur. Monachi autem qui apud Vireium erant conventui suo Savigneiensi scilicet sociarentur, hoc excepto quod quicquid monachi Savignei habuerunt in Vireio predicto Pagano concesserunt, excepta quadam terra que ab antiquo ecclesie Gervasii et Prothasii in elemosinam concessa erat et excepta ecclesia Virei quam monachi Savignei cum omnibus pertinentiis suis libere possidebunt. Paganus vero pro terra et pro aliis sibi in Vireio concessis, id est molendino et piscaria et bosco, monachis Savignei dedit juxta forestam Savignei totam terram que vocatur Meliun et totam masuram que vocatur Aurineria et campum qui vocatur Gernon et masuram Aucherii cum omnibus earum pertinentiis, insuper et in parrochia Maidreii terram Marignei et totum dominium suum de maretis Maidreii que Ranulfus Virei predecessor ejus antiquitus monachis donaverat. Hec omnia quieta et ab omni servicio sibi vel alii

faciendo libera monachis Savignei tradidit, et si quispiam aliquid servicii vel juris in predictis terris reclamaret, per se vel per heredes adquietandas terras firmiter promisit. Dedit etiam monachis Savignei juxta cimiterium Virei duas acras terre omnino liberas. Ipsi autem Pagano et filiis ejus ab abbate Savignei concessum est quatinus apud Savigneium monachi efficerentur secundum ordinis instituta si vellent quod si in seculari habitu vitam finirent tam ipse Paganus quam uxor ejus et filii in cimiterio Savignei sepulturam haberent et tam in vita quam in morte, orationum, elemosinarum et omnium beneficiorum participes essent quemadmodum fratres speciales et loci ipsius fundatores. Testibus Fulcherio et Godefrido archidiaconis, Guilleberto cantore, Hugone thesaurario, magistro Henrico, Guillelmo abate Savignei, Guillelmo et Petro monachis Savignei.